

պատուական առաջի Աստուծոյ չիք: 27 Եւ զաշխար կամ զկոծ դնել մեռելոց՝ դառն մեղս համարեր, եւ յամս իւր եհատ զայս յերկրես Յայոց. զի յաւուրս նորա ոչ ոք իշխեր դնել կոծ կամ աշխարանս. այլ յետ մահու նորա անմիտ մարդիկ համարձակեցան զայս գործել: 22 Այլ վասն իմ ոք կոծ մի՛ դիցե. եթէ դնէ ոք, նա լիցի դատապարտ. այլ ոչ եթէ յետ մահուն իմոյ իմ իշխանութիւն ինչ է սաստել, զի զոր ոչն կամիմ մի՛ արասցեն. այլ ինձ յիշատակ արասցէ որ զիս սիրէ: 23 Ի պատերազմի ի մահուանէ մի՛ երկնչիք, ուր ես ոչ մեռայ. զի առանց Աստուծոյ ինչ ոչ լինի:

24 Չայս եւ զայսպիսի, եւ որ ինչ այս բանից նման են բանք, խաւսեցաւ: 25 Բազում եւ անչափ գանձս աղքատաց եւ կարաւտելոց բաշխեր, իւրովք ձեռաւք մատակարարեր. եւ բազում մասունս յընչից իւրոց տայր յեկեղեցիս եւ ի վկայանոցս, եւ բազում գանձս տայր ցքահանայապետսն¹. եւ ապա ինքն մեռաներ: 26 Այլ իբրեւ մեռաւ մեծ սպարապետն Մանուէլ, հրամանն զոր տայր յաղագս կոծոյն չդնելոյ՝ այնմ ինչ ոք ոչ անսաց. այլ ամենայն մարդ երկրին Յայոց կոծ եղեալ, մեծաւ աշխարանաւք լային զնա առ հասարակ ազատք եւ շինականք: 27 Չի ամենայն մարդ իբրեւ զհաւրէ ի կարիս առնէին² զնմանէ վասն քաղցրութեան մարդասիրութեան հեզութեան հանդարտութեան ինամոտ բարեբարութեան՝ բարենշան զաշխարհաշէն անձն Մանուէլի: 28 Ամենեքեան բերանաբաց հառաչէին զկնի նորա, կղկղաթ կաթոզի լինէին զիւրեանց քաջ զաւրավարէն, զփրկչէն իւրեանց, զյաղթական զանուանին զարգասուէն³, յայնպիսոյն հեռացեալ զնացեալ ի յանջատելն ի մեկնելոյն:

1 *Օրինակ մի յաւելու՝* քահանայս եւ պաշտօնեայս

2 *Յօր. ի կարի առնէին, ուղղեցաք ըստ Բ. Սակարք. Դ. 35. Թուի ուղղելի. կախեալ կային*

3 *Օրինակ մի յաւելու՝* զարգասութենէն